

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-22849/23
Sarajevo, 13.12.2023. godine

Na osnovu člana 100. stav 3. Zakona o javnim nabavkama ("Službeni glasnik", br. 39/14 i 59/22), člana 26. Pravilnika o javnim nabavkama roba, vršenju usluga i ustupanju radova, br. 02/12-45-712/23 od 12.01.2023. godine, u predmetu javne nabavke nabavke "Nabavka specijalizirane obuće za pripadnike Policijske uprave Novi Grad Sarajevo" Otvoreni postupak javne nabavke, objavljen u Službenom glasniku BiH, br. 73/23 i Portalu javne nabavke br. 422-1-1-246-3-281/23 od 12.10.2023. godine, postupajući po žalbi ponuđača "INKOS" EXPORT IMPORT d.o.o. Kakanj, izjavljene putem punomoćnika Mušija Samira, advokata iz Kaknja protiv Odluke Općine Novi Grad Sarajevo o izboru najpovoljnijeg ponuđača, br. 02/12-45-22849/23 od 17.11.2023. godine, na Preporuku Komisije za javne nabavke roba i usluga, Općinski načelnik, donosi

ODLUKU

1. Uvažava se žalba ponuđača „INKOS“ EXPORT IMPORT d.o.o. Kakanj, izjavljena protiv Odluku o izboru najpovoljnijeg ponuđača KM TRADE d.o.o. Visoko, br. 02/12-45-22849/23 od 17.11.2023. godine kao osnovana, u predmetu javne nabavke "Nabavka specijalizirane obuće za pripadnike Policijske uprave Novi Grad Sarajevo" u Otvorenom postupku javne nabavke, objavljenom u Službenom glasniku BiH, br. 73/23 i Portalu javne nabavke br. 422-1-1-246-3-281/23 od 12.10.2023. godine.
2. Stavlja se van snage Odluka o izboru najpovoljnijeg ponuđača KM TRADE d.o.o. Visoko, br. 02/12-45-22849/23 od 17.11.2023. godine.
3. Prihvata se ponuda ponuđača "INKOS" EXPORT IMPORT d.o.o. Kakanj sa ponudom u iznosu od 99.999,90 KM sa PDV – om, u predmetu javne nabavke "Nabavka specijalizirane obuće za pripadnike Policijske uprave Novi Grad Sarajevo" u Otvorenom postupku javne nabavke, objavljenom u Službenom glasniku BiH, br. 73/23 i Portalu javne nabavke br. 422-1-1-246-3-281/23 od 12.10.2023. godine, shodno članu 64. stav 1. tačka b. Zakona o javnim nabavkama.
4. Zadužuje se Služba za zajedničke poslove da obavjesti učesnike u otvorenom postupku javne nabavke o donošenju Odluke o dodjeli ugovora.
5. Protiv ove Odluke dozvoljena je žalba u roku od 10 dana od dana prijema iste.

Obrazloženje

Postupak javne nabavke – "Nabavka specijalizirane obuće za pripadnike Policijske uprave Novi Grad Sarajevo", pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, u Otvorenom postupku javne nabavke, objavljenom u Službenom glasniku BiH, br. 73/23 i Portalu javne nabavke br. 422-1-1-246-3-281/23 od 12.10.2023. godine.

Izvršavajući i preporukom Komisije za javne nabavke, utvrđeno je sljedeće:

- Da je Zapisnikom sa otvaranja ponuda od 02.11.2023. godine, konstatovano je da su zaprimljene dvije ponude:

1. KM TRADE d.o.o. Visoko, sa ponudom od 98.280,00 KM sa PDV- om,
2. „INKOS“ EXPORT IMPORT d.o.o. Kakanj, sa ponudom od 99.999,90 KM sa PDV – om.

- Da je Komisija detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da dostavljene ponude ispunjavaju uslove specificirane u tenderskoj dokumentaciji, te da su iste računski ispravne.

- Da je Odlukom o pokretanju postupka javne nabavke predviđeno provođenje e – aukcije, shodno Pravilniku o uslovima i načinu korištenja e-aukcije („Službeni glasnik BiH“, br. 66/16), te da je Komisija za javne nabavke roba i usluga, utvrdila početnu rang listu ponuđača koji su dokazali kvalifikacije za učešće u ovom postupku, kako slijedi:

1. KM TRADE d.o.o. Visoko, sa ponudom u iznosu od 84.000,00 KM bez PDV- a,
2. „INKOS“ EXPORT IMPORT d.o.o. Kakanj, sa ponudom od 85.470,00 KM bez PDV – a.

- Da je nakon provedene e – aukcije pribavljen Izveštaj o toku i završetku e- aukcije sa Portala javne nabavke od 09.11.2023. godine sa konačnom rang listom ponuđača koji su učestvovali u e – aukciji, kako slijedi:

1. KM TRADE d.o.o. Visoko, sa ponudom u iznosu od 84.000,00 KM bez PDV- a,
2. „INKOS“ EXPORT IMPORT d.o.o. Kakanj, sa ponudom od 85.470,00 KM bez PDV – a.

- Da je Izveštajem Komisije za javne nabavke roba i usluga, br.02/12-45-22849/23 od 16.11.2023. godine data Preporuka za donošenje Odluke o izboru najpovoljnijeg ponuđača KM TRADE d.o.o. Visoko, broj 02/12-45-22849/23 od 17.11.2023. godine,

- Da je protiv navedene Odluke, ponuđač “INKOS” EXPORT IMPORT d.o.o. Kakanj, putem punomoćnika Mušija Samira, advokata iz Kakanja izjavio žalbu,

- Da je žalba je dopuštena, blagovremena i izjavljena od ovlaštenog lica,

- Da je žalba djelimično osnovana, imajući u vidu da navodi žalitelja da izabrani ponuđač ne ispunjava uslove specificirane tenderskom dokumentacijom iz tačke 4.2.1. pod 10) “Dokaz (ovlaštenje/potvrda) proizvođača ili drugi dokument kojim ponuđač dokazuje da je ovlašten za prodaju ponuđene robe, koja mora biti na jednom od službenih jezika u BiH (original ili ovjerena kopija), imajući u vidu da je na stranici 43. ponude izabrani ponuđač kao dokaz dostavio Potvrdu proizvođača HAIX Germany koja je na engleskom jeziku, te koja nije niti original niti ovjerena kopija proizvođača.

- Da su navodi žalitelja da izabrani ponuđač ne ispunjava uslove iz tenderske dokumentacije pod tačkom 4.2.1. pod 9. “Atest neovisne laboratorije iz kojeg je vidljivo da ponuđena obuća odgovara tehničkoj specifikaciji odnosno standardima iz tenderske dokumentacije koja mora biti na jednom od službenih jezika u BiH”, obzirom da je izabrani ponuđač na ime ispunjenja traženog uslova dostavio Izveštaj o ispitivanju kvaliteta od strane Bosnainspekt d.o.o. Sarajevo, br. I-3949-1/23 od 18.10.2023. godine, na stranici 57. ponude, a koji u rubrici identifikacija predmeta inspekcije stoji “čizma”, dok je na autorizaciji koja se osporava izabrani ponuđač dostavio autorizaciju od strane proizvođača Haix, te da shodno navedenom komisija nije mogla zaključiti niti dovesti u bilo kakvu vezu da ispitivana čizma je proizvod Haix, iz razloga što u navedenom izvještaju o kvaliteti ne stoji ni šifra artikla, niti model, niti proizvođač, **nisu osnovani** imajući u vidu da u Izveštaju o ispitivanju kvaliteta Bosnainspekt d.o.o. Sarajevo, br. I-3949-1/23 od 18.10.2023. godine, u rubrici “Opis naručenog posla” stoji “Općina Novi Grad Sarajevo”, kao i na kraju teksta u Zaključku “da je na osnovu vizuelne kontrole, odnosno rezultata laboratorijske analize konstatuje da dostavljeni uzorak odgovara uslovima tenderske dokumentacije Općine Novi Grad Sarajevo, br. 02/12-45-22849/23”.

- Da, shodno navedenom, ponuda ponuđača KM TRADE d.o.o. Visoko ne ispunjava uslove iz tačke 4.2.1. pod 10) tenderske dokumentacije, te se ista odbacuje, shodno članu 68. Zakona o javnim nabavkama.

Imajući u vidu navedeno, da su u predmetnom postupku javne nabavke dostavljene dvije ponude od kojih je jedna u žalbenom postupku odbačena kao neprihvatljiva, to primjenom kriterija «najniža cijene», shodno članu 64. stav 1. tačka b) Zakona o javnim nabavkama, a na osnovu člana 100. stav 3. Zakona o javnim nabavkama, na Preporuku Komisije za javne nabavke roba i usluga, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

DOSTAVITI:

1. Služba za zajedničke poslove
2. U spis



Općinski načelnik
mr Semir Efendić